



Inunnut paasissutissanut inatsimmut Kunngip peqqussutaatigut tusarniaassummut allaffissornikkut akissut

Tusarniaassut una, Kommuneqarfik Sermersooq sinnerlugu, Aningaasaqarnermut Ataatsimiititamat politikikkut akissuteqarfigisassanngorlugu saqqummiunneqassaaq. Maannakkut taamatut isikkoqartillugu, tusarniaanermut piffissarititaasup sivikinnera peqputigalugu, Kommuneqarfik Sermersuumi **Aningaasaqarnermut Ataatsimiititap 15. agusti 2015-imi ataatsimiinnissaata tungaanut tusarniaanermut piffissaliunneqartup sivitsorneqarnissaa noqqaassutigisariaqarjaa.**

Digitalimik Sullissinermut Aqutsisoqarfik allakkatigut 22. maaji 2015-imi, suliap normua 2015-784 aqputigalugu, inunnut paasissutissat suliarineqartarnerinut inatsisip Kalaallit Nunaanni atuutilernissaanut Kunngip peqqussutaatigut tusarniaassutigineqarneranut siunnersuummik nassiussisoqarpoq. KANUKOKA-p kaammattuineratigut, Digitalimik Sullissinermut Aqutsisoqarfik tusarniaassummut ilassuteqarpoq, taannalu 5. juuni 2015 nassiunneqarluni.

Digitalimik Sullissinermut Aqutsisoqarfiup siunnersuutaa Kommuneqarfik Sermersuumit misissuataarneqarpoq, inatsisissatullu siunnersuut nassiunneqartoq eqqarsaatigalugu, Kommuneqarfik Sermersooq ima oqaaseqaatissaqarpoq:

- Kunngip peqqussutaatigut inunnut paasissutissanut inatsisip atuutilernissaanut inatsisitigut tunngavissat, Digitalimik Sullissinermut Aqutsisoqarfiup ersarissartariaqarpai.
- Kalaallit Nunaanni inunnut paasissutissanut inatsimmik atulersitsinerup kingunerissavaa, sulisut piginnaasaannik ilinniarsimassutsikkut qaffassaanernut aningaasartuuteqarneq aammalu kommunini paasissutissanik isumannaallisaanermik pisariaqartumik qulakkeerinnittussamik nutaamik suleriupeqalernissaq. Taamaattumik inunnut paasissutissanut inatsimmi piumasaqaatit sulisut sungiussilluarsimanissaannik qulakkeerinninnissaq pillugu ilinniartitaanermut aningaasartuutit pisariaqartut kommuninut aningaasatigut taartisiaqartitsisoqarsinnaasariaqarpoq.
- qarasaasiatigut atortorissaarutit naleqqussarneqassapput, naleqqussaaneermilu inunnut paasissutissanut tunngassuteqartut mianersuuttariaqakkat illersorneqarsinnaanerannik qulakkeerinnittoqassaaq.
- nalunaarsuineranut inatsit 1978-imeersoq maanna atuuttoq atorunnaarsinneqassaaq, tamatumalu kingunerisaanik kommunip nalunaarsuineranut najoqqutassaliornissaanut pisussaaffigisaa, Datatilsynimut nalunaartussaataitanermik taarserneqassaaq.
- sullissinermut inatsit allagaateqarnermullu inatsit eqqarsaatigalugit, inunnut paasissutissanut inatsisip killilersimaarneqarnissaa Namminersorlutik Oqartussanit isummerfigineqarnissaanut piumasaqartoqassaaq.
- inunnut paasissutissanut inatsisip atuutilernera, Kalaallit Nunaanni inuttaasunut inatsisitigut isumannaatsuuneq pitsaanerusoq

qulakkeerneqassaaq, aammalu kalaallit malittarisassaannut nalimmassaaneq qarasaasiamillu atuineq silarsuup sinnerani atorneqartumut EU-p malittarisasaanut nalimmassaaneq pitsaasutut isigineqarluni.


- inunnut paasissutissanut inatsisip atuutilernerani, inuit pineqartut pillugit paasissutissanik paarlaasseqatigiinnissamut siunissami iluaqutaassaaq, ilaatigut Kalaallit Nuaanni avataanilu oqartussat akornanni paarlaasseqatigiinnermi iluaqutaajumaarluni.

Inunnut paasissutissanut inatsisip atulersinneqarnerani siunissami qaninnerusumi sulisut ilinniartitaanerannut annertunerusumik aningaasartuuteqarnermik, inunnut paasissutissat mianernartut illersornissaannut qulakkeerinninniarluni misissueqqissaartartussanik pilersitsinermik aammalu inunnut paasissutissanik mianernartunik pissarsiniarnermut tunngatillugu innuttaasunut paasissutissiisarnissamut najoqqutassiaqarnissanik nutaanik kinguneqartussaavoq.

Inunnut paasissutissanut inatsit piffissaq sivilunerusoq atorlugu atulersinniarneparp, Namminersorlutillu Oqartussat ilinniartitaaneranut misissueqqissaartarfimmillu pilersitsinissamut aningaasartuutitut annertunerusunut aningaasaleeqataallutik, inunnut paasissutissanut inatsit attuumassuteqartunut tamanut pitsaaquteqartussaavoq.

Allaffissornikkut oqaaseqaatit matumani pineqarmata, imaanngilaq Aningaasaqarnermut Ataatsimiititap qulequttamut isummernera tamakkiisumik assigeeqqissaaraa, taamaattumik kommunip pisortatigoortumik isummernera tamakkiisuunngitsoq maluginiarneqassaaq.

Inussiarnersumik inuulluaqqusillunga // Med venlig hilsen // Best regards



Jens Berthelsen

Jurist • Borgmesterip Allatseqarfia/Borgmestersekretariatet/Mayor's Office